



75. ՕՆՏԸ ԶԵՂԻ ՄԱՐԹ ՏՓՈՂԸ

Մե շատ լուպազ, գլուխ գովող մարթ ա հըլնում: Էս մարթը սաղ օրը հիրա չարած քաջություններից ա պատմում: Ով ճանչնում ա, ծծողում ա, ով չի ճանչնում, հավատում ա:

Մե օր ասում ա. «Մե մարթ տեսա, մե մարթ՝ Էնքան ուժով, Էնքան ուժով, ասի՝ ուժս փորցեմ: Գյուլանչ բռնի: Դեսը քաշի, դենը քաշի, անջաղ քցի ջետինը: Ձիչ էր մնում, ընձի ախտեր: Ախշարը դժար թե էտենց ուժով մարթ հըլնի: Ա՛յ մարթ, չիչ էր մնում ընձիկ էլ ախտեր: Ես էտենց մարթ չի տեսե»:

Ամենից շատ գլուխ էր գովում կնգա մոտը. «Կնի՛կ, էս սարը, որ կա, առաչ ըստե չէր, էրկու վերս էն յանն էր: Տեսա մեր տանը հյուսիսի ցուրտ քամին ա բռնում, տեղափոխեցի ըստե:

Գացի կոիվ: Թշնամիքը էկան: Աստղին թիվ կար, ըտոնցը թիվ չըկար: Մեր գորքերը թողին փախան:

Ես մինակ թուրը քաշի ու կայնա, ասի.—Մոտ չըգաք, հըմնիտ վիզը կըթոցում:

Տեսա ըտուց կայնան, հիրանր խետ խոսացին:

Մեկն ասավ.—Ըստուց հըլա մե սալգաթն ա էսքանիս դեմը թուրը քաշե կայնե, բա որ մնացածները գան, վայ մեր օրին: Էրնեկ էն պետությունը, որ ըստու պեստ հարուր գինվոր ունի:

Մե խոսկով, ի՞նչ ասեմ, ա՛յ կնիկ, մինակ օխտը գեղի մարթ կըտփեմ, կողները կըջարթեմ»:

Էս կնիկը շատ լոեց, հըմա տեսավ՝ մարթը շատ ա զայլա տանում, հեկավ գնաց հիրանց հարևան գեղը ու խառցուց.—Ո՞վ ա ձեռ գեղի ամենաուժեղ մարթը:

Տարան մե չորանի նշանց տվին, ասին.—Մեր գեղի մեչը ըստուց ուժով մարթ չըկա: Անունը Սաքո յա:

Էս կնիկը սպասավ չանքի հիրկուն: Հիրկուն չորանը ռիսմարը բերեց, տեր-տեր արավ:

Էս կնիկը գնաց չորանի մոտը, ասավ.—Սաքո՛ ախպեր, մե խնթիր ունեմ, թե որ կատարես, ինչ ուզես, կըտամ:

Չորան Սաքոն ասավ.—Ասա՛ տենամ՝ ի՞նչ ա խնթիրքտ:

—Իմ խնթիրքն էն ա, Սաքո՛ւ արխեր, որ իմ մարթին մե լավ տփես, շատ գլուխգովան ա, զահլես տարեր ա, ասում ա, որ հինքը օխտը գեղի մարթ տփող ա:

Չորանը խարցնում ա.—Ո՞ւ վ ա քո մարթը:

—Ձընդըրբուլցի Հակոն:

—Հակոն ա գլուխ գովում:

—Հա՛, Հակոն:

—Հէքուց՝ ժամը 12-ին, կըգաք թրբա մեր գեղը, ես կըգամ, ճամբի վրա կըբռնում, հախից կըգամ:

Կնիկը չնորակալ հելավ, էկավ հիրանց տունը:

Առավոտը լուսը բացվավ, խաց ձերան, տան գործերը կատարին, հելավ ճեսօր:

Կնիկը մարթին ասավ.—Մա՛րթ, էթանք մե չիչ չոլը ման գանք:

Մարթն ասավ՝ էթանք:

Գացին չորանենց գեղի յանի ճամբով: Էն յանից չորանն էկավ ու կպավ էտ մարթին:

—Շահնորթի, հո քոռ չե՞ս, էկար հընգար աշկս,—ասավ չորանը ու մե հարված տվեց:

Էս մարթը ետ չըմնաց, մե հարված էլ հինքը տվեց: Չորանն էս տեսավ: Էրկու ձեռով վերցուց օթի մեչ, տփեց ջետինը: Գոմփով, թնփկով էնքան տվեց, ըստրա նըխտը կղբավ:

Կնիկը մեչ հընգավ.—Ախպե՛ր, խեխճին հո՞ չես սպանի, մեխկ ա:

Չորանն ասավ.—Քույրի՛կ, չեզիկ եմ բաշխում, թե չէ էնենց կանի, որ տուն չըխասնեմ:

Էս մարթն ասավ.—Բա որ դուք քուր ու արխեր եք, էս ի՞նչ ա իմ օրը, բա՞ փեսին էս օրը կըքցեն:

Չորանն ասավ.—Փեսա՛ ջան, գնա՛, ըստուց ետը շատ լսա, չիչ խոսա:

Չորանը գնաց:

Կնիկը մարթին ասավ.—Ա՛յ մարթ, բա ասո՞ւմ իր՝ ես օխտը գեղի մարթ տփող եմ, մե մարթ էլ չըկարցար տփես:

—Ա՛յ կնիկ, քո արխերը տասչոր գեղի մարթ տփող ա, ես չի հիմանում:

Ասում են՝ էտ օրից ետո էս մարթը էլ գլուխ չէր գովում: Ես չեմ ստուգե, թե դուք ստուգեք եք, ճիշտ ա, ուրեմն՝ ճիշտ ա. ինչը ճիշտ ա, ճիշտ ա, ճիշտ բանին ճիշտ կասեն, սութ բանին՝ սութ: